



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Perisælices in mundo muliebri apud Græcos & Romanos.

**urn:nbn:de:hbz:466:1-12835**

Nigrōn. de  
Caliga  
pag. 12.

Schol.  
Horat. ad  
lib. I.  
Ep. 17.

Salm. ad  
Lampridii  
Alex. Sev.

Sen. in  
Hyp.  
A.G. I.  
§s 321.

περίδες, περιπέζια & tandem περι-  
κελίδες. *Periscelides* vero sunt, ut  
in Glossis est, *Ornamenta vel cir-  
culi aurei crurum muliebrium*. Omnes  
enim errant qui *periscelides* femo-  
ralia putant. Ita Julius Nigronus.  
Nam etsi περίλος sit crus, unde peri-  
scelides; tamen non tibialia dicuntur  
*periscelides*, sed femoralia. Omnino  
perperam, cum *periscelides* nihil  
aliud sint quam ornamenta crurum  
muliebrium. Quomodo & Hora-  
tii Scholiastes ad hæc verba:

*Nota refert meretricis acumina, sæpe  
catellam  
Sæpe periscelidem raptam sibi stentis* ———

*Perisceledem* interpretatur: Orna-  
mentum pedis circa crura. Maximus  
Salmasius *periscelidem* describit  
vinculum aureum, quod in cru-  
ribus gestabant mulieres solæ, at-  
que hæc verba Senecæ de *perisce-  
lide* interpretatur, ubi Herculi  
apud Omphalem agenti tribuitur,  
quod

*Crura distincto religavit auro  
Luteo plantas cohibente focco.*

Quæ

LIBER PRIMUS. 195

Quæ magnus Casaubonus, eum-  
que secuti Thomas Dempsterus,  
Benedictus Balduinus, & alii non-  
nulli, de fasciis cruralibus non  
recte acceperunt, cum nunquam  
annulus aut vinculum aureum  
fascia dicatur. Rectissime sane: Casaub. ad  
Suet. Aug.  
c. 82.  
Dempst. ad  
Rosin.  
Pag. 433.  
Bald. de  
Calc. Ant.  
cap. 16.

*Crura distincto religavit auro,*

non nisi de *periscelide* capi potest,  
quæ vincula sive compedes ex auro  
fuerunt, quibus sibi mulieres or-  
namenti gratia crura vinciebant,  
& armilla cruralis potius dicere-  
tur quam fascia, uti monuit ὁ πόντος.  
Id enim ostendunt Senecæ verba  
præcedentia:

*Passus aptari digitis smaragdos,  
Et dari legem rudibus capillis.*

Scilicet post ornatum digitorum  
atque capillorum, addit:

*Crura distincto religavit auro,*

ut significet aureas compedes sive  
*periscelides* inter pedum ornamenta  
fuisse. De iisdem Octavius Ferrar.  
rius, decus sui Patavii, hunc lo-  
cum Plinii exponit. *Habeant fœ-*  
*minæ in armis, digitisque totis, col-*  
*lo,* Ferrar. de  
Re Vest.  
P. I. l. 3.  
c. 17.  
Plin. lib.  
33. cap 3.